

Ո Ր Ո Շ ՈՒ Մ N 1052/1
/վարչական տույժ նշանակելու մասին/

«01» սեպտեմբերի 2021թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով «Արարատի Գինու Գործարան» ՍՊ ընկերության (ՀՎՀՀ՝ 04106807, հասցեն՝ ՀՀ, Արարատի մ., գ. Արարատ) տնօրեն Սեդրակ Սերյոժայի Սարգսյանի (անձնագիր՝ 000501122) նկատմամբ հարուցված վարչական իրավախախտումների վերաբերյալ գործը,

Պ Ա Ր Զ Ե Ց Ի

«Արարատի Գինու Գործարան» ՍՊ ընկերության կողմից թիվ 05100010/010818/0040701 ապրանքների հայտարարագրով «Ներքին սպառման համար բացթողում» մաքսային ընթացակարգով հայտարարագրվել են ապրանքներ: Օրենքով սահմանված կարգով ԱԱՀ-ի վճարումը հետաձգվել է երեք տարի ժամկետով՝ մինչև 01.08.2021 թվականը, սակայն ընկերության կողմից ԱԱՀ-ի վճարումը սահմանված ժամկետում չի կատարվել:

ՀՀ ՊԵԿ Արարատյան մաքսատուն-վարչության ԳՀՀ բաժնի ավագ մաքսային տեսուչի կողմից 18.08.2021 թվականին Սեդրակ Սերյոժայի Սարգսյանի նկատմամբ կազմվել է վարչական իրավախախտումների վերաբերյալ արձանագրություն՝ Վարչական իրավախախտումների վերաբերյալ ՀՀ օրենսգրքի 170.3-րդ հոդվածի հատկանիշներով:

Վարչական իրավախախտումների վերաբերյալ գործի քննությունը նշանակվել է 01.09.2021 թվականին, ժամը՝ 10:15-ին, որի անցկացման վայրի և ժամանակի մասին Սեդրակ Սերյոժայի Սարգսյանը պատշաճ կարգով ծանուցվել է, սակայն չի ներկայացել գործի քննությանը:

Վարչական իրավախախտումների վերաբերյալ ՀՀ օրենսգրքի 22-րդ հոդվածի համաձայն՝ վարչական տույժը համարվում է պատասխանատվության միջոց և կիրառվում է, նպատակ ունենալով վարչական իրավախախտում կատարած անձին դաստիարակել խորհրդային օրենքները պահպանելու, սոցիալիստական համակեցության կանոնները հարգելու ոգով, ինչպես նաև կանխել ինչպես իր իսկ՝ իրավախախտողի, այնպես էլ ուրիշ անձանց կողմից նոր իրավախախտումների կատարումը:

Նույն օրենսգրքի 170.3-րդ հոդվածի համաձայն՝ հարկերը, տուրքերը և օրենքով սահմանված պարտադիր այլ վճարումները սահմանված ժամկետներում չվճարելը՝ առաջացնում է տուգանքի նշանակում սահմանված նվազագույն աշխատավարձի տասնապատիկից մինչև քսանապատիկի չափով:

Այսպիսով, վարույթի նյութերով հիմնավորվում է, որ «Արարատի Գինու Գործարան» ՍՊ ընկերության կողմից ՀՀ ներմուծված բեռը հայտարարագրվել է թիվ 05100010/010818/0040701 ապրանքների հայտարարագրով, որով առաջադրված ԱԱՀ-ի վճարումը հետաձգվել է մինչև 01.08.2021 թվականը, սակայն ընկերության կողմից ԱԱՀ-ի վճարումը սահմանված ժամկետում չի կատարվել, ինչով

պայմանավորված՝ ընկերության տնօրենի կողմից թույլ է տրվել Վարչական իրավախախտումների վերաբերյալ ՀՀ օրենսգրքի 170.3-րդ հոդվածով նախատեսված իրավախախտում:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. Վարչական իրավախախտումների վերաբերյալ ՀՀ օրենսգրքի 170.3-րդ հոդվածով նախատեսված վարչական իրավախախտում կատարելու համար «Արարատի Գինու Գործարան» ՍՊ ընկերության տնօրեն Սեդրակ Սերյոժայի Սարգսյանին ենթարկել վարչական պատասխանատվության՝ տուգանելով **20.000 ՀՀ դրամի** չափով:
2. Որոշման մասին օրենքով սահմանված կարգով իրազեկել «Արարատի Գինու Գործարան» ՍՊ ընկերության տնօրեն Սեդրակ Սերյոժայի Սարգսյանին:

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադատության կարգով կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապանի հաշվին:

Սույն որոշմամբ նշանակված տուգանքի վճարման հաշվեհամարն է **900005024055-ը (ՀՀ պետական բյուջե, կենտրոնական գանձապետարան, Արարատյան մարզապրուն-վարչություն, ԿՈԴ 27)**

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



ԿԱՐԵՆ ԲԱԲԱՅԱՆ